


雲南通志 二十一

陽明文庫圖書
一二號
共 三冊
陽明文庫圖書

近景
5-86
ウ1

十八



近衛
5-36
文1



1115217



雲南通志卷之第二十一

近衛本

人物鄉賢

昔晉常璩作南中志凡侏僂之族里閭之行書
之惟恐或遺豈非意在風厲善雖微而必錄乎
在昔兩漢之世滇人士類能以經術節義自表
見降自唐宋載乘闕如歷有明而始蒸蒸蔚起
夫豈奮於前而豐於後歟聲教之通塞即人才
之盛衰判焉

國家治化遠敷而培植滋厚滇人士之興行且軼

前代然士先立身而後揚名歷觀古人其建功
立業待顯而著若文章行誼又不待顯而彰也
稽往冊而備志之矣無弗傳庶幾風厲之微旨
焉耳作人物志

雲南府

漢

許叔 善闡人元和中入中國授五經歸教鄉人

唐

王仁求 安寧人河東州刺史平賦化民思義兼濟 王會寶 仁求子有治蹟

明

李純 昆明人永樂甲午舉人偶儻有智畧正統中官御史巡按遼東邊功累著陞左副都御史巡撫遼東後改巡撫榆林尤有功績邊廷賴之卒於官

楊景 安寧人事母孝中永樂癸卯舉人初判霸州改澧州判有以失牛誣吳姓者牽

牛歸吳誣者服罪秩滿擢化州州同會嗣彝亂吳氏誣者服罪秩滿擢化州州同會嗣彝亂以城守將夜絕城以遯兵民不滿三百景激以大義皆願盡力乃撤故倉木蔽城缺又縛藁入披衣甲置城上有三人緣堞上擒斬以狗賊引去都督歐信贈景守忠二字而置守

張英 字時俊郡人事母至孝正統戊午領鄉薦第一入太學時祭酒李時勉以直言

獲罪辱逮成均英忿且耻乃同石大用等詣
闕請以身代遂蒙宥名勳京師是日即乞歸
養學士商文毅輅贈以詩居鄉教授生
徒卒年九十有四黔國武德公禮重之

楊一清

字應寧號石涼安寧人薦奇童為翰林
秀才舉順天辛卯鄉試登成化壬辰進

士歷官右副都御史督理茶馬鹽政條上事
宜多所匡濟比巡陝西修復花馬池諸要害
亭障固原警單騎馳至瓦亭會主帥曹雄設
伏備禦隨奉勅總制三邊經畧河套條陳脩
築增設防禦六事皆為劉瑾所格罷歸會安
化王反於寧夏起用乃謂監軍張永曰寧夏
事且暮且有捷音但內變不測為可慮耳已
而擒賊報果至張永驚服乃請竟內變之說
一清取永手畫瑾字永悚息不敢任一清又
密授永策永一一如其言武宗乃收瑾戮之
因召為戶部尚書加太子太保尋改吏部累
至火傳入內閣常因災異自劾言時事失宜

朱寧等疾之乃謝病致仕嘉靖乙酉復起兵
部尚書總督陝西冬詔還內閣世宗待以腹
心以大禮議不合致仕尋削籍二十八年贈
太傅諡文襄一清嘗自謂生於滇南長於湖
南老於江南故晚號三南居士卜籍於江口
丁卯橋猶不忘石涼因為號李夢陽為之
記稱其功著邊
徼名顯社稷云

毛

王

字用成郡人幼聰慧刻厲讀書毋喜其
勤而憂其銳夜每以衣障燈弘治己酉

舉於鄉會試不第遂傲居燕市與四方名士
講業者十七年乙丑成進士方修孝宗實錄
奉使滇黔訪求遺事歸報命授行人考選南
京禮科給事中值察典所論劾四十餘人皆
洽僉論陞戶科左給事中條上備預諸策皆
見採納憂歸服闋補吏科數直諫如止巡幸
居庸關危詞慷慨武宗動色中貴由烏思藏
往還橫索民苦無聊御史林有年論劾得罪

下詔獄王上疏極諫得寬旨僅奪俸更切責中貴人長沙李相國東陽嘗曰用成吾畏友也大禮議起王同毛紀毛澄張元范鏞楊慎諸臣跪門哭諫世宗震怒被廷杖者若干人王以六科之首劄巨痛深血肉糜爛未數日卒燕士白衣冠相率送其喪爲文輓之穆宗卽位追錄其忠贈光祿寺卿所存奏議十卷俱切國是王自幼孝於繼母釋褐益謙謹至稱之

李資坤

字伯生昆陽人自幼以孝友聞登正德癸酉鄉薦令宜城嘉定二縣擢南京刑部郎出爲銅仁知府開渠堰復侵田均賦除平寇亂置學租卓有成績考天下廉吏第一士民感其功德爲建生祠比歸置義塾不調公府性剛介寡合言動以禮老而彌篤積書萬餘卷自號一蠹居士督學使陳善採衆議行州立祠祀於鄉賢其在仕郡邑皆崇祀名

宦

施昱

字子貞廣南衛人舉正德己卯鄉試第一嘉靖丙戌會試第五授刑部主事陞員外郎典試山東取士多名雋及陞郎中以議國戚張延齡獄不稱旨株連落職時已陞陝西憲僉矣家居八年起補貴州僉事威惠并行士民繪像祀之及店驛峻嶺夾江甚難渡昱設法爲巨橋覆以屋又因劾處得當欵賜銀幣值黔中大比錄文犯忌罪監臨御史波及之謫茶陵州州同歷永州判徽州郡丞丁艱服除補大名府陞湖廣僉事駐承天府百務紛沓昱一意恤民不徇時好雖見忌嫉弗顧也以擒巨寇李邦珍功賜綺幣尋晉光祿寺少卿卒於京昱孝友醇

孫繼魯

字道甫郡人少負奇質書史過目不忘中嘉靖癸未進士授澧州牧以他事避

怒已者乞為學官得國子監助教歷戶部郎出守衛輝未幾調知淮安中貴岫命督江南織造擅作威福繼魯與之抗中貴怒譖訴密投上怒逮至京執政為之解罪止調官既免弗謝調黎平府能以德化感格叛苗擢湖廣提學副使每從帖括相士數語盡其生平合若左券晉山西左叅政分守冀南郎宗人不於法外縱又晉本省按察使宗人數百要於路發其裝惟布袍敝履他無所畜驚曰高皇帝以來罕見此官相與載酒借士民追送之至晉益飭法約束舍人子自宗潢以及百姓咸願久仕尋晉右副都御史巡撫山西以邊事與總督翁萬達意不合為文誓於神慷慨忠義溢於言表因各陳所見交上封事時宰先萬達而後繼魯遂被誣下獄讀易賦詩矢死不折囹圄中無楮且以飯盃畫壁與同時得罪御史楊爵者倡和百餘首名飯盃集知公者百口直之而時宰怒不解竟以疽發卒獄

從言官請贈兵部左侍郎諡清愍賜祭塋

嚴

清

字直甫後衛人弱冠中嘉靖甲辰進士授富順令丁母憂補邯鄲令皆以廉能

著聲辛亥徵為屯田主事陞郎中督建外城及九陵綜覈出入省費巨萬出守保定時廷議舉邊才清與焉歷陞四川右轄綜理樽節蜀庫獨覈穆宗初巡撫貴州復徙四川一切公私費悉從減省奏改金錢當輸京師者二十餘萬就近抵陝西佐邊費定番僧貢額罷有司團操蜀民再便神宗登極之三年再命巡撫貴州條理得宜苗蠻不聞跳梁累遷刑部尚書秉公持平屢白寃抑神宗素知清特授冢卿時癸未冬計事填委所擯兵雖閭里不以庇而引用嚴穴知名之士實多無何以勞瘁致疾四上疏乞歸又二年本兵乏人上特旨起清於家清力辭疏入上遲回久之乃許萬曆戊子特晉太子少傅歲給廩粟與夫

與寅以疾卒上悼惜之贈太子太保賜祭葬
 諡恭肅清性檢飭有威儀生平操行尤嚴於
 取予辭受居官食簋衣敝與僮僕同甘苦及
 為尚書舊帶敝履無改外藩之日輿疾出都
 門遵潞河泝大江而行置石輕舟無慙古昔
 先後里居皆隱於松華別業出則敝車羸馬
 後進造請惟以治生務學為諄諄其詩隨意
 興成有水玉堂集故政府東阿于慎行刻筆
 塵載清遺事方馮保以罪籍沒得一冊於其
 家定陵披閱皆籍記朝貴往來事及書清無
 一字以
 此受知

段

纁字朝聘昆明人嘉靖中舉於鄉十上春
 官不第益發憤向學在京與周洞巖論
 慎獨之旨謂本無寂靜惟動不失常者近是
 不得分靜存動察為二周遂造訪一時如謝
 高泉萬履庵締交訂盟以得見為幸纁高自
 標植歸田與胡廷祿遊胡雅意詩文纁曰志

於道者耻為詩文胡以詩謝之曰小子厥蹶
 生往事豈不俛諒哉衆星曜何如一片光胡
 郎其居徧植衆卉曰藉此以發生意纁曰生
 意豈在彼也胡遂悟隨別去及胡卒纁誅之
 曰始待益於外來終取足於天則自是堅卧
 不出官於滇者造廬請益終不可得所居湫
 隘肝江羅汝芳親
 題其里曰顏巷

夏

誥字宗典郡人舉明經歷職教授自為諸
 生即究心聖學然意在化誨愚民故藉
 爭明忠孝倡為會而耳食者以爭明二字毀
 之幾陷於罪幸見雪督學陳善素知之往叩
 其母重其人也晚益精
 心性學者稱竹牖先生

范立朝

字二懷昆明人萬曆丁酉鄉試授榮陽
 教諭歷陞刑部郎中讞獄無疑滯出為
 陝西平涼知府府多宗人恣橫立朝以法繩
 之共相服罪時韓王薨世子幼有嬖人子謀

爭立暮夜持金為賂立朝正色云嫡庶之禮何可廢乎拂衣而入王妃聞之亦以多金求為善計復奮然曰此公義曷以私為使慚謝旋以忤給事某罷歸里家居淡泊自甘遇後生小子必教之以禮

朱運昌

字際之郡人萬曆庚辰進士為廷評薦

更比部讞獄西川上錄囚應縱者百餘人下司寇覆議悉當遷大衆分守川西條上錢穀畫一之制風行三川累遷福建左布政使中貴人嚙命出稅與關白多所沮抑中貴人欲陷之乃上書乞歸即日登舟當事挽留不得方抵里神宗特簡為右僉都御史巡按福建凡闢疆場及生民吏治者所司未及狀達已被符令處分監司而下咸驚以為神奉約束謹謹撫閩前後幾三年朝廷嘉其功特以異數盡瘁國事卒於官上採禮官言賜御祭

傅宗龍

號栢蒼昆明人萬曆庚戌進士初任四

州巡按征安邊有功晉太僕寺卿隨陞薊遼總督兵部侍郎轉戶部以諫言忤旨罷職崇禎十一年復起四川巡撫尋加兵部右侍郎後加兵部尚書又言事下獄十五年陞陝西總督征流寇李自成屢破賊兵後軍潰被執守義不屈死之諡忠壯

趙

譔

昆明舉人性端方有勇力初授黔龍泉

縣時有白蓮教倡亂盜蜂起苗蠻乘間作亂譔率勇士勦平邪教撫順苗蠻又於土元夜設劇張燈誘賊入城調勇士數人執銅錘擊死羣盜四十五人以卓異擢御史崇禎十七年闖賊陷京師劾譔不屈罵賊而死

本朝

虞世瓊

字虞山昆明人由薦辟授光祿寺署丞歷官通政司右叅議精工書法供奉內

廷蒙寵顧二十一年致仕奉旨給驛歸里年八十六卒

曲靖府

東漢

尹

珍

字道直牂牁郡毋斂人桓帝時自以生於荒裔不知禮義願從汝南許慎應奉受經書圖緯學成還鄉里教授於是南域始有學焉官至荊州刺史

晉

謝

恕

字茂理牂牁郡毋斂人咸和間寧州為李壽所破有南中地惟恕不從獨保郡城以事晉官至撫彝中郎將寧州刺史

傅

寶

字紀圖牂牁郡平彝人仕至尚書郎安長令時號南中人傑

明

張

璉

字廷璧曲靖平彝人成化己丑進士授南刑部主事歷官員外郎中以明允著遷重慶知府郡中翕然大治丁外艱復補重慶弘治初南蕪閩廣彝寇為亂陞江西兵備副使既至治城池積糧糗練士卒脩器械設險隘建七縣城堡人皆稱便與當事論不合拂衣遂行盜復起巡撫鄧廷瓚奏南蕪不可一日無璉特詔留之遂築南康城盜賊聞風解散爭以疾辭歸璉剛正不阿盤錯立斷墨吏斂手比歸橐中蕭然

唐

時英

字子才郡人嘉靖己丑進士授平陽令問民疾苦惟賦稅不均遂銳志履畝凡六閱月清吏得其平又疏陂塘興水利明年大旱民得以濟陞戶部主事歷郎中肇畫詳盡為大司農所器重知真定府有水鏡之頌歷官巡撫陝西籌邊有功御書忠勞二字賜

之致政歸置義莊周貧衣
布茹淡卒屢予葬祭從祀

朱家民

郡人萬曆丙午京舉會試副榜初守涪州陞潮州府卓有政聲遷貴州監軍道

副使剿安賊建城十七座并創盤江鐵索橋滇黔利涉爭陞布政使屢著治績及平寇有功特進一品服廕二子世襲指揮歸里好義節儉情篤鄉黨更置府會館於省城脩萬卷樓積書凡有志之士皆養於其中人咸頌之

臨安府

明

張隆

字伯興建水人正統間由國子生授杭州府知事以廉能被薦歷陞本府知府有濟湖築堤功入觀治行為天下第一天順間聞毋計奔歸廬於墓側有狐兔馴伏之異

人以爲
孝感云

羅珦

字用誠臨安衛人成化丙戌進士爲刑部郎中出知桂林府時西延陽洞諸蠻出劫興全珦檄州縣簡練民兵潛扼山口躡殺幾盡諸蠻斂迹自是不敢窺興全

張西銘

字希載寧州人海之子幼穎異博學中成化乙未進士授江西金谿知縣縣多

豪猾下車致其尤者庭誨之人皆感化會撫州饑諸屬炮鼓數起獨金谿人相戒勿爲盜縣有虎啣人蝗食稼爲文禱於神患遂息以治行徵拜河南道御史巡按遼東治城塹核軍實再按蘇松發粟賑荒所活甚衆常熟民錢氏爲怨家誣以不軌銘召訊其屬無實狀送京果得白後督學畿輔士類心服著有鶴軒集

楊僎

建水人嘉靖丙戌進士官吏科給事中疏靖難諸忠節事留中不報時論多之

仕至參議居鄉以德稱

萬文彩

臨安衛人嘉靖戊戌進士令富順成安兩邑老成練達祛弊節冗兩邑尸祝之

擢南戶科給事中彈劾不避權要疏禦堵馬市皆切中邊計出為貴州參議賑饑民擒妖賊陞四川威茂兵備退吐蕃之寇邊賴以安告歸日娛書史淡泊無營年九十卒祀鄉賢

蕭崇業

建水人隆慶辛未進士識度弘遠生平無疾言遜色以庶常授兵科給事歷戶

工二垣先後封事數十上禁侈靡開河河効欺弊調驛傳奉使冊封琉球歸報命晉兵科都給事歷官南都察院右僉都御史以母養告歸卒賜祭葬

包見捷

字汝純郡人幼穎異八歲時太守錢試以七言詩應聲而對錢奇之登萬曆己丑進士選庶常為董其昌焦竑等所推重轉禮科給事中歷陞戶科都給事萬曆間遣中

貴分出榷稅株金每中旨出輒力諫章凡十餘上詞意激切上震怒將逮治政府挽回始

薄責降貴州布政司都事癸丑始詔入為戶部主事遷尚寶卿尋晉太僕寺在朝公卿以捷熟於典憲凡大議輒就諮詢多所匡濟出撫江右戢宗人練軍實魏流品特簡吏部侍郎明年入京師護喪之慶陵病卒詔贈工部尚書賜祭葬

澂江府

蜀漢

李恢

字德昂建寧俞元人任郡督郵太守董和貢恢於州未至與先主遇於綿竹先

主嘉之遣恢交好馬超成都既定先主領益州牧以恢為功曹書佐主簿遷別駕從事章武元年東降都督鄧方卒先主問恢誰可代者恢對曰人之才能各有長短孔子曰其使

人也器之且夫明主在上則臣下盡情是以先零之役趙充國曰莫若老臣臣竊不自揆惟陛下察之先主笑曰孤之本意已在卿矣遂以恢為庾降都督使持節顧交州刺史先主薨雍闓等叛丞相亮南征先由越雋據犍道向建寧諸寇圍犍於昆明時恢軍少又未得亮聲息緝南人曰官軍糧盡欲還吾久斤鄉里乃令得旋不能復北欲還與汝等同計謀故以誠告南人信之稍解嚴峽伺懈出擊大破之追至盤江接牂牁與亮聲勢相連南土平定恢軍功居多封漢興亭侯加安漢將軍後軍還南彝復叛殺害守將恢往招討鄒盡惡類徙其惡帥於成都出耕牛戰馬金銀犀革克繼軍資建興七年領建寧太守還居本郡徙居漢中九年卒子遺嗣恢弟子球羽林右都督隨諸葛瞻拒鄧艾兵敗死於綿竹

明

楊以成

路南人以明經為貴陽府通判分署畢節衛積資論勞陞同知仍官其地天啓

大興

二年水蘭交關成潛具蠟書告變滇撫發兵西援至畢節賊兵圍衛城以成督滇兵與戰

却之已而賊兵大集滇兵遠來勞逸多寡勢不相敵成知事不濟令吏懷印乘夜取逕路走貴州自以死守當賊鋒未幾城陷成投繯不死賊擁逼入營成無變志賊遂殺其家口十三人獨其弟以榮不死成又將賊中情形函竹村榮復入滇告變行至散納溪為賊所獲得其書遂併以成殺之官僕同死者十五人黔中丞以聞請贈官恤其後磨一子錦衣世襲建祠祀之

廣西府

明

楊繩武 字念爾 彌勒州人 偉貌洪聲 兼資文武 以選貢中崇禎辛未會試由庶吉士授

監察御史 巡鹽河東 浚鹽池 完逋課 值歲大饑 設粥濟民 存活甚眾 妖賊以白蓮聚眾 捕獲首惡 其黨立解 巡按河南 土賊郭三 海聚眾數萬 率兵擒之 截殺流寇 不敢犯境 遂自河南回京 條陳數事 召封平臺 稱旨 擢僉都御史 巡撫順天 駐遵化 時流寇猖獗 懷宗以勦賊任之 晉兵部侍郎 總督軍務 賜尚方劍 繩武治兵有法 汛地無虞 復命旋京 會松山告警 廷推赴援 再令督師 繩武時病劇 與疾行至豐潤 卒年四十 有六 上聞震悼 贈光祿大夫 太子少傅 兵部尚書 祭墓廕一子 世襲錦衣千戶

大理府

漢

盛覽 字長通 樸榆人 從學於司馬相如 所著有賦 心四卷 相如答書云 詞賦者 合綦

組以成 文列錦繡 而為質 一經一緯 一宮一商 此賦之跡也 賦家之心 包括宇宙 總覽人物 斯乃得之於內 不可得而傳

張叔 樸榆人 天資穎異 過目成誦 元符間 聞司馬相如至 若水負笈從之 授經歸教

人鄉

晉

龐遺 秀才 樸榆人 咸和二年 李特據蜀 李雄寇建寧 遺起義兵 攻雄 雄遁走

唐

段宗勝 南詔清平官 師于國伐緬 絕求援於南詔 宗勝救之 勝知南詔主老子世隆幼

權臣楊苴顯恣擅恐其篡奪因請重其事權得專生殺許之乃限七日齊軍統矢苴顯子遠限立斬以徇既入緬敗獅子兵緬王酬以金寶不受惟取佛舍利歸至騰越聞南詔主死苴顯篡立宗勝與苴書云王崩子幼聞公攝位國家之福曩援緬獅子國不戰而潰緬王酬我佛舍利宜率國人迎之境上苴顯得書服龍衣執金爐陳儀衛出迎舍利甫下拜即斬之歸國求世隆立焉

明

楊南金

字本重鄧川人弘治己未進士授江西泰和令民有三不動之謠以刁惡財力權豪也及擢御史值逾瑾縱恣其黨為總憲凌轢諸御史南金遂拂衣歸是日即行二百里瑾聞之竟追不及除其籍嘉靖間詔起耆宿晉湖廣僉事又晉參議乞骸骨歸鄉閭德

之年八十卒提學胡堯時造其廬恤其孤作祠祀之

楊士雲

字從龍太和人弘治辛卯鄉試第一中丁丑進士授翰林院庶吉士改給事中以病辭歸里其貧自樂環堵蕭然與諸弟友愛手不釋卷所著有皇極天文呂律咏史諸集

李元陽

字仁甫太和人嘉靖丙戌進士授庶吉士文譽甚都會以承嘉旨出翰林習吏事知江陰縣有循良績召入為御史遇事敢言如止輦承天詰奸東朝當世推重巡按閩中墨吏望風解綬遇文墨士雖布衣亦優禮之薦舉者逸林富馬鳴銜等都試監臨所得士皆極一時之選程文其手持正不阿為當事所重會以扈從知荊州府築堤捍江民鑄碑志德尋罷歸家居四十餘年精研理學所著心性圖說與羅念菴王龍溪相印

可其為詩文勁爽瀟灑南克任忠齊瀚謂中
谿晚年之學如霜清歲晏萬象森嚴長松在
壑剝落英華收斂神氣復歸其根也壽九十
無疾而終所著有中谿漫稿存藁艷雪臺詩
等書行世

趙汝濂

字敦夫太和人嘉靖壬辰進士選庶吉

某應調曰數官未聞過蹟曰稍欠風力曰考
察摘過豈宜斥無過之官耶總憲唯唯郎署
魏某者端人也尚書欲黜之力爭得免事竣
疏將上趙文華在黜中冢宰曰趙某者內閣
倚信決不可黜公曰趙某不黜則無可黜之
官其剛直如此晚擢都御史諤諤有大臣節
致仕家居益敦內行不治產業營一草庵
庵匾曰覺真推俸與弟兄族人同之

李東

字震甫太和人隆慶辛未進士知際州
縣成都有親王租稅地諸宗人與邑人

及傍邑人爭昨結訟多掣肘又臺司郡長往
來應酬民疲奔命襲習頑梗素為難治東親
事期月種種治辦上官翕然稱之彭縣有子
殺父獄入重其事命往讞盡得途狀當事循
鄭重不敢決時恤部使取囚復驗忽震雷擊
囚死益訟其神明灌口故有分封茶山藩邸
人侵界牟利久不能決東躬履其地傳訪獨
斷遂成定案詔為御史諸所論劾皆大奸奉
命督修乾清宮奉閣奉約束上嘉其功賜金
幣丁毋艱歸服闋巡按嶺西肅吏安民禦彝
平獄時有寨彝之警粵撫意在用兵東曰小
醜不足煩斧鉞宜招降解散及得代當再入
楚自念楚相國里也於相國稱門下士不委
蛇為媚則徑直為沽遂乞身引退抵家益事
聞修崇尚正學有詔搜括遺直廷議稱其名
御史宜還詔下郎上書言保身致平之術當
寧霽顏受之未幾擢南寺乃連章請老隱於
點蒼麓趙用贊謂震甫文宗愚谿詩法少陵

理學師白汝
咸得其秘

艾自修

鄧川人萬曆庚子舉人性孝友任知縣多惠政制歸廬墓六載手植松栢地溢孝泉應聘講學奉旨旌曰當代名儒其兄自新以選貢入成均卒業亦為理學宗望

永昌府

蜀漢

呂

凱字季平永昌不帶人仕郡五官掾功曹時雍闖等聞先主薨驕黠滋甚都護李嚴與闖書六紙解喻利害闖但答一紙其詞倨爭又降於吳吳永昌在益州西與蜀隔絕而郡太守素改易凱與府丞王伉帥吏民拒闖闖移檄永昌意在迫脅答以檢詞音嚴正由是恩威內著為郡中所信故能全其節及丞相亮南討闖為高定部曲所殺亮至南中表

奏凱伉等執忠絕域十有餘年雍闖高定偏其東北而凱等守義不與交通臣不意永昌風俗敦直乃爾以凱為雲南太守封陽遷亭侯會彝叛遇害子呂祥晉太康中遷南彝校尉其後子孫三世為永昌太守李雄破寧州諸呂獨不附舉國固守世稱其賢

明

楊

元字務本郡人潛心理學終日靜默頓悟邵子先天數學人有叩者言無不驗為諸生卒業太學歸隱居不仕甘貧樂道從學者甚眾當路重其人函饋之無所受或封識藏待其去任返之所著有納甲圖九圭數學基指南行於世稱曰楊象山先生

張志淳

字進之郡人成化庚子鄉試第一甲辰進士弘治間授吏部文選主事歷陞選郎遵執掌公輿論用賢拔滯門無請謁與天台黃元昭先後齊名正德初擢太常少卿提

督四譯館懲入館子弟空名之弊俾舊習一變時論多之晉南戶部右侍郎尋致仕晚年漫錄永昌二芳記諸書年八十一而卒

戈允禮

保山人天啓壬戌進士初任麻城縣令轉吏科彈劾不憚權貴忠言謹論畧無回曲歷南京府尹陞工部侍郎著有四書正眼知儒管見楚志載名宦

本朝

王弘祚

字懋自號玉銘永昌人中崇禎庚午鄉試歷官戶部郎中督餉大同能召仍官戶部郎中是時天下初定圖籍散失弘祚精於典故善強記凡直省州郡錢糧之數皆綜核不忘戶部特疏委修賦役全書

世祖 一筆萬曆間法例書成上之 世祖皇帝勅諭頒行天下用是加太僕寺少卿遷左右侍郎俄晉尚書加太子少保旋加太子太保

世祖 對中宵寐 世祖皇帝御南苑召問天下錢穀出入之數弘祚對中宵寐

世祖 首嚴冒餉至水旱災傷則蠲恤宜速催科期會則程限宜寬語甚明暢時滇南初入版圖上籌滇條議十餘事及聞父母訃音疏乞回籍終制

世祖 郵典子諭祭事竣還朝改刑部尚書未幾復調戶部會星變求直言上疏劾切會有主裁州縣存留與變漕糧官選為民運者弘祚固爭不得遂以兩議上並如其指無何以失察吏胥當報罷今

上悉弘祚忠詔留守補兵部尚書庚戌乞休疏再

上得請馳驛給俸至金陵感疾疏辭俸不允
十居秦淮之上以恬淡自怡數年卒

賜祭葬諡曰端簡子瑜工部員外郎瑄
和州知州從子璋澤州守皆以蔭補

鶴慶府

明

趙德宏

字有容郡人正德丙子舉人累官慶府
長史孝友謙恭事父遠以孝聞及歿京

毀骨立徒既借傭人肩輿以歸既葬廬墓三
年有白犬護墳馴鳥巢樹之異知府汪懋
之親至墓所慰贈有加巡按唐龍奏聞榜其
居曰孝子趙氏之門所至以清白稱刑順慶
日郡有疑獄三事久不決宏一訊立白洗其
冤者十餘人及知潼川曠緩悉令輸粟得粟
萬八千石明年大饑死者枕籍獨潼川得免
又重興建圯城措置有方暮月而歿民不知

勞潼人爲立祠祀爲左史時撫輯彝人常却
金八百及歸行李蕭然包御史大節以禮有

問爲立孝廉坊郡人
因名其里曰孝廉村

彭富

字仲禮郡人嘉靖壬戌進士授崑山令
入爲戶兵二部主事出守紹興以廉操

薦異等入覲上慰勞有加親賜聯云帝近春
長在官清樂有餘歷黔副使參政按察轉四
川左右布政先後平李富征十寨討建越均
循役寬權稅平出納所在以功德著四年巡
撫貴州節束鎮靜彝漢帖然尋致仕歸家無
厚產蔬食儉稱恬然自適而性剛介不妄言
笑有古
人風

楊棟朝

劍川人萬曆癸丑進士居禮科時值魏

瑞禍起屢疏抗劾不避斧鉞削奪歸里
後起補吏科遷光祿寺卿其劾瑞奏疏載在
明史與楊左爭光焉

段高選

劍川人萬曆己未進士任巴縣有循聲會辛酉奢會集兵渝州一切治辦俱選經理比從上官點閱見奢有叛心陰令吏歸印於署與父汝元訣及奢會倡獗眾官駭散選獨躡踵大呼不去會知選廉明戒勿殺選罵賊不絕口遂死於亂斧中變聞父汝元母劉氏側室徐氏及子揚女泥金相繼死於署僕段黑子挺身赴演武塲索選尸亦死之至崇禎初選長子暄叩關賜諭葬祭諡恭節勅建昭忠祠以祀之段黑子均從祀焉

蒙化府

明

雷應龍

字孟升弘治甲子舉孝廉第一正德戊戌進士授莆田知縣條行人禁苛切時宜巨璫督貢方物甚橫力折之至均徭平賦築堤堰毀淫祠大愜民心為御史奉勅巡鹽兩淮政暇引諸生講正學江都祠堂歲久圯壞檄有司新之因災異疏八事曰務實學親大臣放宮人去無益正禮教改編發宥罪誦均賦役世宗嘉納尋有中貴乞織造得請公又屢疏極論不報憤鬱而卒

鄉賢

雲南府

蜀漢

孟

琰

朱提人建興三年諸葛孔明南征收用豪傑為官屬舉琰仕至輔漢將軍

唐

張志誠

善闡人大和中入都學右軍書其得其妙南中士人競從之

元

張景雲 字天祥郡人優於理學能文章授登仕郎

明

李忠 初名特郡人洪武中選貢入監宣見便殿賞資甚厚賜名忠中應天癸酉鄉試

登進士任陝西鳳翔知縣威惠兼濟有循吏風

洪誠 字克敬郡人少厲志行永樂辛卯解元登戊戌進士累官四川順慶知府所至

皆以廉明稱

段鑑 字至明郡人永樂辛卯薦舉宣德間任四川嘉定知州斷獄如神陞廣東惠州

知府卒於官兩地立祠

楊益 安寧人字用謙永樂間以貢入太學先是明成祖夜夢赤龍扈從若扶掖之狀

次日視朝畢徧察臣班無朱衣者益時以國子生隨朝因天寒著赤氈衣於監衫內上見大悅欲以卿貳入座待之冢臣謂非宜遂授兵科給事中歷陞工科左右給事申上常詔與對奕時以手撫之恩遇篤至洎仁宣三朝乃出守漢中又調繁成都多惠政告歸從祀

鄉賢

趙璧 字蘭完昆明人成化壬戌進士歷官郎中太監蔣宗誣奏南科後湖不法事行

璧勘直之宗奏璧右科道左遷吉安通判歷四川副使所之多善政後乞歸著茶花譜及

詩文集

李宗泗 字希顏昆明人儻有智畧幼從父李應宜籍於彭山成化甲午舉於蜀辛丑

成進士授池州府推官以廉能著績陞南廣西道御史有非載時馬政多弊宗泗一一肅清之遷辰沅兵備又調山東僉憲弘治戊午曲阜聖廟災撫臣陳璘疏入命重建俾泗董其事廟成賜金幣尋陞江西按察司副使會長河等洞蕪政掠郡邑泗出奇設伏屢以捷聞勞瘁過甚年五十七卒於官廉使張賓副使邵寶布政林泮楊守隅等為文以挽之崇

祀鄉賢

李宗儒

字希雍昆明人幼穎悟留心理學登成化甲辰進士丁父艱哀毀骨立廬墓三年服闋授刑部主事以平允稱陞本部員外兄宗泗以南臺御史入覲同謁楊文忠皆目為令器後卒於官囊無餘物惟退食漫吟遺藁一帙金齒張志淳為之銘其墓

吳九功

字時叙郡人成化壬子舉人任山東僉事齊東歲饑饑貧民相聚為盜功單車抵

賊巢諭以禍福皆感泣解散以勞瘁卒於官立祠祀之

唐

瑤郡人成化乙未進士為西曹郎持法不阿有容懷金夜入其門却之亦不發於人歸稱貞碩先生

夏

暹字景升左衛人弘治甲辰進士歷湖廣叅藩兩任皆有廉名陞苑馬卿適用軍

卒於任孫較以明經典黔之畢節學三世皆清貧

繆

白字元素郡人弘治乙卯舉人任成都通判董師征蕃嚴戒妄殺攝司李讞獄多以豪俠為不法白廉得之欲竟其獄直指不

可鬱鬱不樂後陞任麻哈州守遂不願仕請歸事母曲盡色養母歿哀戚林卧四十餘年

以盛德稱及卒貧不能殮子孫稱貧以葬之今崇祀鄉賢

陳

淳

字唯素呈貢人弘治辛酉舉人江南北平府通判值滇中安鳳之變篤志丘隴

掛冠歸督學吳鵬謂諸士曰學師當以陳為法總督伍文定建節時造其廬先是太平有疑獄淳辨之其他善政及人者多每用旃檀刻像祀焉居家以詩自娛不治產業言論篤實給諫傳良弼稱其未仕則富既仕而貧嚴於義利明於出處至今鄉人言耆舊必稱陳澹齋先生

傳

澄

字景深郡人正德丁酉舉人任四川中江教諭歲餘捐俸為粥以濟貧寡人皆

德之公素乏嗣遂舉子乃決意歸田課子後子貴贈如其官祠蜀名宦祠

王

輔

節儉遷學得地科名之應捷焉人稱曰

占君子子廷臣遵訓著孝友聲由龍安郡丞歸以僉舉父子同日入祠

朱

尹

安寧人號朗亭正德庚午舉人初任崑山學諭陞國子監助教聲傾六館守巴

州多善政歸里澹然有逸民風祀鄉賢

羅

江

字孔殷嵩明人天性英敏弱冠登正德甲戌進士授建昌府推官直躬厲操抑

折豪強卒於官士民哀之祠名宦

胡廷祿

左衛人正德丁丑進士官南戶部郎中與呂涇野鄒東郭講究正學出為河南

按察副使會肅宗南巡渡河殯舟後至建督撫及廷祿俱削籍歸田足蹟不至公門以篇什自娛顧應祥與同榜先後撫滇未嘗一見後遷秩去造廬促之不得已而出良久以果酒別於家太宰嚴清云廷祿嘗往拜公庭除淨掃燕冠常服竟日無惰容每授餐四豆而

已所著書多散逸楊光祿誄曰庚桑深居泄柳閉戶城闈如林竹松為伍

陳常道

字子中呈貢人由正德己卯舉人為學諭登嘉靖丙戌進士授富順尹蠲鹽課

賑荒民尋陞主政疏請終養服闋補陞常德守屢辨疑獄運麻陽兵餉有功陞建昌兵憲乞歸杜門靜習手錄薛西園註叅以見解多所獨契

張素

字季文安寧人生有異相登嘉靖癸未進士歷官四川巡撫都御史以才諳著

聞歸舍恬靜無營品高月旦

余應桂

字夢徵郡人嘉靖丁酉舉人幼孤事母大役報成而民不擾蜀民頌之陞重慶同知清戎理讜有能聲後知南康府興學正俗均

糧息盜入覲卒

周棐

字公輔楊林人嘉靖丁酉舉人選新蔡諭攝汝陽邑符救荒全活者衆令廬山

彭縣咸有惠政入名宦本州入鄉賢祠

楊秉和

字節甫郡人嘉靖庚子舉人初尹臨漳却金辯獄遷汝寧會宗府奪地自益疏

聞下臺臣久未決即慷慨啓王陳利害還所奪地以歸民時稱廉能歷刑部員外郎援例歸乞

石銀

呈貢人嘉靖庚子舉人令合江縣遷隴州知州所至以豈弟拊循其民而懇直

不善宦左遷韓府長史父老請闕上章言願借公數年又有追隨至家勸駕再出者銀答以詩竟隱於大漁村自食其力薄田數廬之外無所增益窳約終身無慚色

張橋

字衡如郡人嘉靖己未進士授永都主政管南旺開河刻意河防運道不滯竣

事還京擢寧夏兵備僉事急葺邊牆重罰剝軍者西賊為之捲幕箠以浮議罷歸精心墳典自六經子史旁及真詮釋典稗官小說靡不研究天才卓邁萬言騰涌有梅花懷母諸詩鄉人傳誦尤精書法至今得其隻字爭寶之

顧天祐

字吉甫郡人嘉靖癸卯舉人任建始令孤城介在蠻峒歲比不登艱虞百端公竭力保障招輯蠻黨綜覈隱占邊鄙寧謐還保寧別駕捕大盜得其盤踞之窟盜黨密投以重賄巧免却之致政歸里以經學授徒杜門講業所著浮談著說等書藏於家畫小像自為讚謂生平無愧

郭斗

字應秀郡人登嘉靖癸丑進士初令孝感伸疑獄得真殺人者伏其辜召為南戶科給事中毋憂服闋補北垣轉山西按察副使覈郵符寬民力觀察貴州安國亨構殺

罰粟而止平道途以利滇黔出入歷浙江左轄致政歸萬曆初再起貴州尋歸田里時賦詩作書構小樓於進耳山扁舟往來會心自適者十餘年一夕方在吟席忽擲筆於案遂不起

龍施

字德敷前衛人嘉靖乙卯鄉試第一初任峩峩學諭歷任戶部郎中所在聲稱藉甚陞河東運同以母老子養家居二十餘年不入公門當事者屢薦不出澹然自樂著書之外制藥濟病時視親戚有緩急輒捐資佐之所著有露林暉嘯心濟醫宗歸田百韻田園雜興集字和韻林臯漫興郡書集韻吟稿諸書及卒祀鄉賢

黃鳳翔

字冲霄郡人與其兄鄒少相師友始為諸生時下第作梅錄監臨者見而嘆之會觀風合試兄弟統爽偶刻新碑令暗中索模之限以五索不待五而呈其依古點畫一

一不遺始驚異稱賞乃屢試不偶至乙卯初
場為房考所棄及取其表讀之駢麗精絕遂
驚喜以薦丙戌成進士為西曹郎尚風節旬
闕宦盜宮嬪寶簪尚書唐漁石為翔座主屬
翎鞠之乃直窮其狀唐大恐為構禍端遂鹿
為重慶守因訊黃總戎事執法不阿為當事
所忌拂衣歸杜門理舊業所著甚富蜀人簡
西魯常問楊慎曰黃竹泉平平耳曰公無言
如竹泉者字
內未易得也

李茂陽

字三山昆明人蚤喪父事寡母至孝與
劉輔造訪贈之金不受嘉靖癸卯甲午相繼
舉於鄉授四川南充縣諭士類多所成就遷
大足知縣縣苦盜初被獲茂陽泣謂曰爾朝
廷赤子總因我輩不能無愛遂至此予千金
釋去暮年盜風大息會代巡樊薦者再命出
查盤以直忤兵巡遂乞歸終養士民素德其

善政皆泣送之還里後杜門不出惟養親
課子而已所著有歸來園集卒崇祀鄉賢

朱運久

安寧人隆慶元年恩貢初選陽城府通
判陞提舉請告歸居鄉不輕入公府干
預時事不置田宅僮僕守法人至今稱之予
組纓貢士不仕以理學鳴所著之錄多悟語

王制

昆明人隆慶丁卯舉人任思南府推官
代郡守入觀兀資費皆取諸其家行取
御史例轉韶州僉事晉少祿能自標植操
守清潔比歸好義歲歉賑餓鄉里德之

孫繼先

字志顯郡人隆慶庚午鄉薦居喪謹守
禮度筮仕與化教諭輕財愛士遷陀陵
知縣奉檄紀驗臘嵩招降賊屬三百重蒙賜
金再遷土石西知州州故為思明黃猱竊據
弘治中始討之敗其印付流官仍以其地轄
於蠻州治荒僻流官視為畏府率寄妻孥於
太平府歲一履其地繼先始携家居之闢草
萊拓城甃井奠其神人比於列郡事載粵西

通志中泊遷承天同知有築堤救荒之績左遷荆王長史晉中順大夫歸以古禮倡邑人冠婚葬祭一軌於制見人服食華美常目攝之人憚其嚴有易服而見者稱篤信之儒云

李聞馨

字德華昆陽人萬曆癸酉舉人知四川新繁縣奉檄覈倉儲論罷委吏數人郡太守有鄉曲人在論中馨奉法不顧陞茂州守左遷歸昆陽有鄉真恒苦征調馨為白於右轄去其籍萬曆四十八年入祀

施堯化

號泰維昆明人萬曆甲辰進士初令湘潭有巨猾善邪術詢得其情擒治之外艱服滿補長葛地偏賦繁盡革美耗次調光山有不逞之徒為逋逃主廉得之獲豕以清俗多健訟以片言折之郎上司左右袒不徇也他如修城池飾學宮勸司馬祠宇不濡時奏功民忘其勞獲銓部悉心延訪善甄別轉驗封郎中乞歸閉戶蕭然不至公府卒祀鄉賢

賢

張

薰字伯舜歸化人萬曆丙子鄉薦掌教中州是時蒲坂楊俊民為督學謂其人與文不巢見乃優選大節國師得其詩稱賞焉歷大理司務西曹郎獄無大小靡不稱平奉命讞囚三川多所平反每與直指使相左遂罷歸後崇祀鄉賢

王希堯

字惟中郡人萬曆己卯舉人就教竹山陞鐘祥縣令捐煩苛與諸循休息幕府嘉其尤異調藤縣在官以實心實政惠及閭閻後親老力請歸養侍眠食者十年每歲終以錢米濟鄉黨貧乏今祀鄉賢

羅大器

號滄岳安寧人萬曆壬午舉人任山海通判清屯選銳邊關倚重前後薦劾十上適值權貴高淮肆虐獨力砥柱罷歸士民攀轅載道居鄉二十餘年起用歷陞岳州知

府丁繼母艱歸絕蹟公平以用... 門官師鄉黨推重之

劉文徵

字右吾昆明人由萬曆癸未進士歷任

紹興知府考清廉第一民有漢明二劉之謠官至布政使致政歸里禮教甚嚴著作多傳於世前纂修通志皆其手筆也崇祀鄉賢

朱思明

字用晦昆明人萬曆己丑進士授刑部

主事署本部郎中適寧夏之變神宗怒逮及軍府重臣俾思明掌其獄為具爰書一府國體賴以全焉嗣命欽恤廣東獄無冤滯累遷河南按察副使會大饑思明設法以賑全活甚眾又開漳河十餘里開封歸德二郡皆利之民感其德各建生祠陞本省右叅政管理河道時河決冲沒民居以萬計濇漕不通思明倡議開漳河二十餘里勞瘁無虛日閱四年始告竣陞廣西布政使宗人多弛縱

思明繩之以禮法洎黎賊出沒官軍多濫殺以冒功思明常詣微清讞之至鹽政積弊盡情釐剔乞終養歸恬靜自怡足蹟不入公府惟課子而已

孫光前

邑人萬曆戊子舉人授宜良學諭入補

國子監博士遷沅州知州沅為輪蹄孔道官民苦於供億力從樽節使客往來自為節餐州民以甦調嘉興通判未幾歸僅二鶴隨又以資罄粥鶴於途崇祀鄉賢

朱化孚

安寧人號岱晟萬曆壬辰進士初授行

人主武黔省得王潘婁諸大臣及任兵曹凡非尺籍仕伍而以虛名冒蠹者悉驅除覩掌武選條選法六事秋選有法成遣有籍併序有例援納有禁雖更百曹部無能輕變其法隨有銀夏之權錢糧必清斥壥必謹至叅黔藩止營兵之亂司楚泉稱刑罰之清告歸里乃結詩社日與親友故人為文字飲繼

奉旨講學閩里為榮所著有賁幽吟陽城紀勝行於世

趙日亨

號貞所安寧人萬曆辛丑進士由太常博士選御史福藩之國中使麗交膳田

未

騷動連省亨抗疏調書得允山東歲饑民亂劫東平童丘諸邑亨奉命巡按請蠲賑撫脅從乃底定時有監司恃妻父為首輔行殊不法亨劾之并及首輔由此外轉川南兵憲值

奢酋叛捐俸募死士斬叛目黃光輝率兵解省城圍晉秩賜金邛雅皆有祠祀之會以病請門人張星曰師勲已勒岷我樞撫在旦晚間何遽言歸也亨曰年來中外任事者率植黨營私大亂將作每思匡救輒避踪力微忍逐流浮沉乎遂以黔左轄致仕著竊歌樓集

崇禎丙子題祀鄉賢

楊師程

字道南安寧人萬曆戊戌進士為楚湘陰令多善政報最拜御史獻納糾彈請

訓諸考選指陳邊事按部河東清餘鹽豁商通十餘萬條議十數上成奉俞旨三請終養未報而計至批廬未幾以哀卒師程慷慨有大志言論英發文章事業炳耀當時天下莫不知其直節敢言所著有疏草行於世祀鄉賢

楊

鳳字明禎安寧人萬曆甲午舉人仕蜀為順慶別駕攝府事賑饑全活甚眾遷刺

海州築堤遏潮以通鹽舶歲省運資累鉅萬青充饑民徙海全活以萬計招集流亡千餘給牛種復業開墾三百餘頃報陞南康士民遮留得請允治海十一年薦揚者二十九紀錄者七又取餉免民加派會邵按交劄卓異有旨優擢加四品服俸二字太原擒妖定傾多著異政擢遷順慶太守值奢酋變練兵助餉賊不敢窺入觀晉黔憲引疾歸以蜀功進階鳳為人不要言笑喜溫弗形居鄉皆服其德量黔國公以師禮延之兩奉人才啓事堅

毋不出結舍慈山之畔崇祀鄉賢

劉鼎新

呈貢人自為諸生卽存心利物鳳克發難邑中亂民有思揭竿應之者倡義勇

先發擒十餘人邑民帖然歲歉常減價出糶中已酉舉人在四川雙流縣知縣丁春寅之變令縣民老弱婦女匿他所獨與丁壯居守賊至開門延入賊以為易竝入其治新率僮僕手刃二賊出伏兵與之戰賊計無所施死於狹巷甚衆其後凡三攻之皆不能得志遂督鄉兵援省城賊望其旗咸避之成都圍解以功陞叙州府同知監兵攻蘭州斬渠魁魯仲賢收招萬餘人以積勞卒於嘉州

王錫衮

祿豐人號仲山天啓壬戌進士屢官至詹事府正詹校卜二天後予告歸里冰途之亂起義討賊不

克被執不屈死之

馬乾

號洛水昆明人崇禎癸酉舉人初任廣安知府政稱廉平舉邊才卓異四川巡撫邵博春留署慶州府時張獻忠圍夔城凡

二十餘日乾誓與城俱碎伸大義感激人心親冒矢石隨機致勝督師閣部楊嗣昌援至賊敗遁崇禎十三年題擢川東道僉事陞四川巡撫甲申帥師禦寇於內江孤軍援絕死之事聞贈兵部尚書

曲靖府

蜀漢

襲習

建寧郡人諸葛亮平南中收其俊傑為官屬習與馬官至領軍

明

陳軫

字用昂郡人天順庚辰進士授刑部主事恤錄江南多所平反擢員外郎才猷

茂著尋按察福建兼兵備邵武值倭寇報警叱馭而行卒平倭亂丁外艱哀毀骨立忠孝

至篤

胡潔

字汝清郡人正德戊辰進士初任湖廣黃岡知縣興賢剔蠹通水利農皆有成績遷監察御史巡按直隸浙江兩省軫民憊貪凜有風裁尋以內艱歸不出晉光祿少卿倘伴山水詩文自娛每朔望必燕會同宗以示敦睦

陶廉

字介夫郡人嘉靖己丑進士歷官九江知府有惠政卒於官崇祀名宦

莊自勉

字子貴郡人隆慶恩貢官德陽令成都衛卒為其尉凌虐尉以事入德陽境衛尉反告鎮民竊盜殺人縣令不覺察徹於臺司鎮民懼罪逃匿勉如不聞徐縛衛卒十餘白其狀上下恬然民胥復業軍興輓運時值

審丁郎照丁給米運之民以不擾居鄉多德讓奉文祀鄉賢

傅遇高

字克升郡人萬曆戊子舉人由宜陽學諭歷官南昌府判終養不仕著樂真蟬鳴梅花百咏藏海探珠等集又刊

謝得申

字芳洲郡人萬曆壬辰進士初任順慶推官有直聲撫按以銓諫薦命下得申卒奉文入祀鄉賢

馬慶箕

尋甸人萬曆己酉舉人任羅定州守陞常德知府鄉人飲其清介公舉入祀鄉賢

朱世昌

字章弼曲靖人萬曆辛丑進士任舒城令有政聲晉兵禮二部主事居鄉建桂香殿魁星閣壽文昌像郡人舉祀鄉賢

莊大化

郡人萬曆己酉舉人知鄞縣秉性清介自月俸外未嘗取民一錢火耗贖緩痛

未

加革除署清如水至晨炊不繼晏如也去載考滿陞王府審理貧無以治歸裝士民歛金

以贈力却之留滯岳陽三載訓蒙自給

臨安府

明

楊鈞

字大用寧州人元時任威楚通判後避地景東明師南征鈞勸土官歸款穎國

公上其績除通政司知事歷陞戶部郎中等陞雲南土官參議劉三吾稱其在官以忠居

家以孝云

張文禮

寧州人志尚卓磊永樂甲申進士疏陳不習吏事乞就學職授雲南府教授教

士勤勞尋乞休居鄉訓徒名士皆出其門臨安甲科自文禮始

張海

寧州人由選貢宣德己卯授揚州推官有異政擢河南道監察御史正統北符

空

同于公保謙迎立景泰授福建監察御史討延平巨寇鄧茂七陞貴州廉使值苗民作亂

按轡撫綏一省以安賢勞益著卒祀貴州名宦

李旺

河西人正統辛酉舉人授戎縣知縣初蒞任寇賊猖獗躬率衆擒之破於陣事

聞贈叙州府通判賜勅褒廕有司立祠祀之

王景

字啓昭臨安衛人成化辛丑進士任中江知縣鄒智稱其有清慎勤之風賦三

事堂詩以美之正德初陞四川參政宦績懋著祀蜀名宦

王璟

字明仲建水人幼聰敏為諸生時粵人張某以謫戍放歸鬻妻為資相別慟甚

璟遇為贖其妻與同歸後成弘治庚戌進士授懷寧知縣興學治水以最聞徵為御史時逆瑾擅權璟抗疏力詆朝中以真御史目之後按蜀清戎伍之籍改瞿塘之路尋陞邵武知府致仕歸居鄉有禮人樂親之

張

鐸字思紹弘治丙辰進士仕南溪令擒劇賊韓積德勒永寧納溪軍民爭殺積案咸心服遷四川僉事監賊之亂多所招降漆栢林遮運滅巴州解銀官民稱便以貴州兵備副使致政歸著有東巖錄諸稿

李文中

字宗周臨安衛人弘治甲子舉人歷仕吏部主事綜理精詳土官信任陞禮部員外議禮廷杖出為四川僉事獨裁風紀賊寇秦栢周天星猖亂奉命撫剿悉平去時民有崔李再來之謠歷固原兵備致仕

劉洙

字道源新安所人正德戊辰進士歷官都給事中在諫垣十二年以蹇諤著名諫武宗遊畋五事肅宗端治本七事又請改新安所之地革十八寨之兵劾兵道王吳之手法薦義因施棺築建家塾隆慶年入祠祀居置義田施棺築建家塾隆慶年入祠祀

繆宗周

通海人正德辛巳進士任戶部主事以議大禮廷杖歷陞浙江左布政使所至有宦績里居三十餘年絕跡公廷清約如寒士

吳希賢

字進夫建水人父早背事母以孝聞母穢年餘竟不起時祖母在堂慮傷其心承順備至有叔早世撫其孤女厚嫁之教於鄉門人擢高科者幾十人嘉靖丙午登賢書授渠縣令誘擒劇寇刀七輩萑苻帖然性狷介不事賄遺當事中深文罷歸居鄉益恬退和易口不言人過而有過者惟恐其知焉

紀經綸

字肫夫臨安人純樸不妄言里稱為篤行君子嘗市一婢異而聞之曰父為百

戶曾立功以貧迫至此遂養為己女厚嫁之弟有癘疾愛護甚至後舉嘉靖甲午鄉試初

令新都編縣馬以濟驛困再補上蔡開金梁渠以興民利計擒劇賊黑龍黑虎黑象等歷

陞鄖陽通判襄藩長史

許

鏗

石屏州人嘉靖乙丑進士仕監察御史有諫官詹仰庇箠於廷杖人懼權瑞莫

敢近鏗伏其尸大哭上聞之乃命收葬出為江西副使剛方自持與巡按不合遂致任歸

黃立中

郡人隆慶庚午舉人任資縣知縣適陽應龍以調遣引兵過其縣前驅者直入

其廷立中縛之龍聞止不入訴於軍府右司馬徐元泰時耿定力亟稱其賢徐遂檄應龍

速發兵自是愈加約束他邑賴焉事平應龍不敢復經其地從船歸後移嶺西通判卒

王恩民

建水人隆慶戊辰進士為永川令有循聲詔試御史轉湖廣荆西右叅議時崔

家坪巨寇嘯聚往來荆門一帶無寧日恩民至廉寇踪跡除穢無遺禁人有再造之感後

值故相張居正以父喪歸一時監司俱屈為趨奉恩民獨投刺迎謁甲賻如常儀張意不

悅恩民竟登舟去張後諷湖廣御史論之調貴州叅議尋遷副使時有彝寇突至城下挾

取在獄罪會人情震動恩民徐取紙筆分布官兵開城出擊賊遂潰時撫按合疏薦其才

器可用之九邊會以憂歸服闋補官歷福建左方伯晉巡撫右副都御史致仕歸優游林

壑澹泊自甘年八十六卒

張法孔

寧州人性至孝毋卒血出柩隙跪而砥之登萬曆庚辰進士授戶部郎中提督

建昌學政歷官四川左布政清操絕倫報擢剝銀三十萬以助軍餉流寇張獻忠犯成都

獨守南門捐資募士夜壽賊營獻忠遜後致仕歸修學繕城蜀藩特疏薦之以太常寺卿取用為天下清官第二

譚繼統

字宗道郡人萬曆乙卯舉人與包見捷子監助教為祭酒李廷機所重選南刑部主事等改戶部遷貴川副使却獨山蒙氏水西安氏饒金刺平野寇阿包等崇祀鄉賢

塗時相

字揆字石屏人萬曆庚辰進士任戶部主事有廉聲陞大名守置常平倉遍給牛種在任五年所轄州縣積粟至數十萬朝議推為廉能第一神宗賜宴賜鏹歷官南京太僕卿閣臣張位薦其方正敏達相以告病歸家居時巡撫陳用賓以征伐議加稅充兵餉相上書力爭語甚激切人咸欽其直焉天啓元年山東道御史陳九疇刑部尚書陸光

祖奏相常平倉政績請為直省郡縣式詔令頒行天下相所著有仕學膚言養蒙圖說二集

陳

鑑

石屏人號虛白萬曆丁未進士仕刑部郎陞廣西梧州太守遷左江道副使歷官有聲見瑞禍起致仕不就徵用見環屏多歎土城非久遠計慨捐多金於天啓丙寅年以土城為碑石賊攻不克人賴以全

趙

琦

寧州人萬曆庚戌進士初授工部磚廠員外積弊俱清陶戶戴德奉勅巡歷山東臨清等處累官大名知府東省邪教猖獗公預選丁壯繕器械城池未幾盜起賴公預備得全改保定政簡刑清因卒於官殯殮不辦巡撫遣吏資賻大學士孫承宗以狀聞欽命馳驛歸葬入大名保定名宦

王士昌

寧州人。中崇禎癸酉鄉試。任河南泌陽知縣。時流寇猖獗。練兵秣馬。為守禦計。

賊臨城。率民兵。立所募壯士。夜擣賊營。獻忠引。逃逾數月。賊眾重圍其城。救兵不至。城陷。

冠服懷印。正坐公堂。罵賊殉。難特贈光祿少卿。蔭一子。

澂江府

明

李蕃

字廷茂。河陽人。正統戊辰進士。為司徒郎出視臨清倉。及九江鈔關隄防。無漏

豪吏。袖手。尊以親老。乞歸。不事生殖。環堵蕭然。婚喪諸禮。多從儉約。鄉人化之。

趙禧

字景福。河陽人。與李蕃為友。正統丁卯。同舉於鄉。知貴州。永從縣有廉惠聲。丁

艱。歸服闋。再謁京師。嘆曰。祿為養也。而親不逮。仕復何為。遂白銓。曹拂衣歸。清修苦節。三

十年絕跡公府

侯必登

江川人。嘉靖乙未進士。歷官廣東潮州守。時倭寇擾亂。之後地方多警。井里

為墟。掠人取贖者。無寧歲。必登首罷一切苛條。與民休息。而沉幾有雄畧。善得賊情。竟以

談笑指麾而解散之。民得更生。嘗以事之省。經賊巢中。賊聞相率羅拜。肅隊前驅。威德服

人類。此後陞布政司參政。上官有以疆事強。必登委曲者。曰。登之頭可斷。事必不可應也。

一時交稱之。歷官皆平易。得民心。居鄉則恂恂焉。

本朝

趙文科

郡人。敦厚和易。惠洽梓里。以子貴。封通議大夫。人咸稱為隱德之報。云。康熙二

十八年。闈郡公。舉崇祀。鄉賢。

武定府

明

楊堯年

郡人嘉靖以前郡學未設堯年發奮讀書遠寄大理府學成進士歸教鄉里讀

書者由此日盛武定人文自堯年開之

楊春震

郡人萬歷庚子舉人天性孝友辛丑不第途就棟選親友勸以大才不宜小施

震曰吾非急功名者顧父年老異得一命備祿養耳授湖廣彝陵州知州有家居侍郎王撰者張居正姻家也挾官害民氣焰赫奕前官拱手震決意除之剪其黨羽民稱快焉聞父病自京馳歸侍湯藥衣不解帶者累月守喪哀毀骨立不用浮屠士論重之庶母第二人春霖春霽震友愛曲至相繼卒震哀悼廢寢食霽妻辛氏守節遺女一人震憐恤倍已

出事庶母敬謹沒後祭墓有禮杜門教授著述甚富

廣西府

明

楊洲

郡人正德癸酉舉人歷任國子監助教四川保寧府同知居官有賢聲處鄉能

化俗崇祀鄉賢

李占春

郡人字載陽幼孤事兄伯春如父撫姪

屢舉優行由歲貢初任香山訓導單騎赴任聘一妾柳氏年甚少一見惻然曰此吾女輩也而可犯乎即遣還遷仁化教諭捐俸建尊經閣疏泮池九曲以德化諸生又時濟其貧乏者崇禎間奉旨崇祀仁化名宦并奉文崇祀鄉賢

李士龍

郡人字化之坦直端方事後母孝讓祖業與弟好學善文一時諸生半出其門焉官上海簿委治河渠疏水利有成績民立慕禹堂肖像以祀海盜掠大姓捕獲訊治剖決明敏署邑事尤稱清介士民德之比歸行李蕭然

元江府

明

施大節

郡人中永樂丁酉鄉試知交陞演州慈愛廉明宣德二年黎利陷諒江府節撫厲嘆曰豺狼不可厭也繕甲兵積糧餉為守禦計賊勢已逼城下力屈而死

大理府

唐

楊奇鯤

標榆人有文名唐詩載一首風外波文吹又白雨中嵐影洗還清江鷗聚處窓前見林狖啼時枕上聞

宋

高昇泰

南詔段氏臣保德侯高智升子也段氏子孫不振國人推戴立之在位二年疾殆詔其子泰明日段氏中廢國人推我不得已從之今其子已長可置故物後人毋效尤也泰明遵遺言求段氏子正淳立之號曰後理國段氏復興

李紫琮

大理人其干段和譽命為進奉使入貢於宋過湖南聞學校文物之盛請於押伴求詣學瞻拜聖像邵州守張察許之遂往遍謁諸生又乞觀御書舉芻叩首

元

楊

昇 太和人謠大超邁經史兼通至正中歷官木邦潞江鶴慶知事以討明王珍有功陞木邦路同知卒子寶為大理路通事以招諭土人授姚安路判官從征克蔞州曹州陞大理路土官治中梁玉構兵寶曰兩國相

關民有供餉鋒鏑之苦極力解和土人深感其德

其德

段

福 段

日

白人也先世為大理國王憲宗朝世祖南征誅其臣高太

祥仍以段與智主國事乙卯與智與其季父福入覲詔賜金符使歸國丙辰獻地圖請悉平諸部並條奏法民立賦之治憲宗大喜賜與智名摩訶羅幢命悉主諸蠻焚爨等部以福領其軍與智遂以國委任福與弟日卒焚爨軍二萬為前鋒導大將兀良合台討平諸郡政降交阯入朝與智道卒中統二年日卒觀世祖復賜虎符詔領大理善闡威楚統矢

會川建昌騰越等城自萬戶以下皆受其節制至元元年舍利畏結威楚統矢善闡及三十七部諸蠻叛善闡屯守官告急日率衆進討賊大敗於威楚復遣孛羅攻賊於統矢城遂定統矢其秋舍利畏又以衆十萬謀攻大理詔日討之師至安寧擊敗舍利畏遂復善闡降威定新興進攻石城皆下之爨部平三年日入覲錄功賜金銀衣服鞍勒兵器十一年賽典赤更定諸路名號以日為大理總管未幾舍利畏復叛日遣石買等誑為商旅執贖往見挺矛撞殺之梟首於市復賜金及金織紋衣於是置郡縣署守令行賦役施政化與中州等十三年緬國權象騎數萬掠金齒南甸欲襲大理日領騎兵千人禦之功授大理蒙化等處宣撫使十八年與其子阿慶入覲帝嘉其忠勳進大理威楚金齒等處宣慰使都元帥留阿慶宿衛東宮陞辭拜為雲南行中書省叅知政事十九年詔迎征緬師至

金齒卒子阿慶襲爵累授鎮國將軍歷

蘇隆字子昌中統中進士以射策為主司稱

詩子仁壽有敏才通諸方語仕龍關驛丞

陳惠事段氏至元間明王珍攻善闡梁王奔

報平安令珍成功乃還功更其詞思得人以致珍惠願往功難之惠曰吾以一身救萬人當不負但有母在耳功曰迎爾母家吾家膳吾膳無憂也惠遂持書往珍得書默然揮之出飯惠歸言狀功知珍必遜追及敗之殺其兵半至七星關大勝而返功欲官惠惠不受

明

楊禧郡人永樂辛卯舉人任榮經縣教諭上

拜監察御史遷慶遠知府以誠信化民任滿將行民遮道泣留臺臣上其事復留三年又二年實授叅政遂乞骸歸特晉右布政

趙彥趙州人宣德壬子舉人四川高縣令仁

年苦部作亂筠洪諸彝望風從之招撫弗聽惟曰趙尹來卽降於是辟彥彥至單騎往諭彝果降論功復為高令卒於官

杜亨字時泰太和人天順庚辰進士官至黎

鄉試第一從諸父游宦洪峒僚屬子弟留之授舉子業縣人韓尚書文為童子亨識之於羣兒中亟授以經大器之及亨歸里居韓為雲南方伯禮遇篤至其孫偉復持節按部至郡亦躬求亨墓以辭祭之

李

華

字子實郡人成化戊戌進士授密雲知縣陞太僕寺丞出守程蕃不赴或勸之曰吾寓京師有年幸博一第慰吾親始願畢矣貴賤榮辱何常之有竟不仕里巷優游如野老未嘗干人卒之日無以為殮貨其居以易棺

趙

弼

字廷直太和人成化辛丑進士由邯鄲知縣為太僕丞遂歸田躬耒耜之役屢刪泥潦中晏然自適同榜有姚祥者來為監司訪諸田間棄鋤於地見之姚問生事何窶曰差勝諸生時矣姚嘆謝而別有女不得於夫忽暴死夫家恐不知所措弼至謂婿曰生死命也其長厚類此

戴

仁

太和人成化甲午舉人累官鎮遠太守府舊例有羨稅四千餘金為交際需猶強半增稅額商賈患之仁至編稅為三百六十以足一年經費餘盡裁罷亦不自於當道

後進松茂茂兵備歸里不治第館賓於門設榻於屏自號無懷先生卒之日家無餘貲郡守吳晟泣數行下為之殯殮

包文偉

太和人成化丁酉舉人性嚴毅里中後進多從受業鄉試對闈宦策屬詞峻厲闕以為晉已恨甚尋授呈貢教諭一日闕以他事將召而辱之偉正色厲聲闕氣沮揖而遣之平居手不釋卷常製藥餌作橋梁以濟病及涉者

張

敏

太和人景泰癸卯舉人官至叅政平蜀寇以功顯祀鄉賢

楊

鼎

太和人弘治己酉舉人通判黃州以廉明稱致仕歸里四十餘年無老少賢不肖皆稱長者所著有南詔通紀壽至百歲

李

素

雲南縣人弘治乙卯舉人以教諭卓異遷御史擢江西按察司僉事所著有南

巖奏議

張鳳羽

字拱辰大理人弘治戊午舉人為鄴都

饑作粥以濟貧

後遷資陽令明於斷獄守

潼川值歲茂

張遊擊死吐蕃之難捧檄往勘

排浮議而白其忠

至今里中稱玉山先生云

趙儀

太和人弘治辛酉舉人任蜀中涪陵江

借一馬一力於官

有贈之者亦不受

周臣

字蓋臣雲南縣人正德丁丑進士任湖

廣致仕杜門謝容

手不停披所著

屠巒

洱海人正德中令江夏以忤中使調蘆

捕俘其眾復所侵故地境內以寧及去邑人悲號為建祠置田報祀焉

鄒堯臣

趙州人嘉靖丙戌進士由御史歷叅藩

皆有遺惠而邊功尤著丁艱歸遂不出

高封

太和人嘉靖乙未進士由行人為監察

御史視鹺兩浙按閩風裁凜然捕治境

內豪強一空閩中至今稱之以直忤時謫州

史旌賢

雲南縣人萬曆庚辰進士任內江有賢

聲權貴州道監察御史侍經筵歷七省

中憲致仕著述甚富入祀鄉賢

姬文業

雲南縣人萬曆辛卯舉人任應山令陞

里耿介不阿
入祀鄉賢

熊俊臣

雲南縣人萬曆間任瑞州訓導陞羅平教諭宅裏正直立教有方瑞州祀名宦

本縣人
鄉賢

李嗣善

太和人東之子以萬曆辛卯鄉舉為蜀閬中令治稱卓越入為宛平令有馮進

朝故王四宮近侍也門下人王祿有細過朝怒撻之立斃事發案驗得實付法曹行令復覈朝素無長令直入縣堂喧囂未已嗣善叱左右執付獄獄將上胥吏陰入進朝金嗣善白京兆尹罪穢其役進朝不勝幽苦益麾金行賄謀以狀聞縣令小臣榜掠近侍誣指坐辟至無法請與令共對簿而大端又為進朝地人人危之謂聖怒不測臺諫言進朝罪狀顯白令執法固當於是法司始議嗣善奪俸不報後改奪職一級調外任而進朝止擬白

梁示調停始奉俞旨嗣善以外調遂不復仕後召善為南司徒郎出權武林關未幾卒

永昌府

明

丁嵩

保山人天性孝友事母陳曲盡子道家貧設科訓戚里子弟洪熙間舉懷才抱

德辭不就宣德間詔草野直言嵩上機務八策一曰正心術則天道應二曰重經筵則宗社福三曰開言路則聞見定四曰用賢才則政治美五曰總大綱則庶務舉六曰汰冗兵則軍儲足七曰重守令則邦本寧八曰崇節儉則財用足上嘉納徵之道病卒所著有橫峯樵唱

滕檟

字秀之郡人登進士歷南司徒清苦持重督運會計周悉且有特操隨以親老

乞歸竟不起家居澹泊不治產業與人交平易可親非慶吊不出著有永昌百詠歸田錄集等

萬

綸

字允言郡人中成化丁酉舉人授湖廣武岡州學正陞翰林待詔歷官長史致仕歸營先世丘隴外別無繕治內外兄弟族屬之貧者咸周給焉年八十六遍辭親友旬日而卒所著有西窓集妻王氏亦有月梅軒詩集

林

巒

字鍾秀郡人弘治辛酉舉人知廣西鬱林州廉介清苦值荒早捐金代貧民償逋稅內艱歸至沙木和囊罄鄉人延為塾師資以館穀及服闋不能治裝郡士夫高其行誼助之行補賓州卒於官

張

鐘

字子鳴保山人為湖廣岳州推官摘伏巨奸不屈闔宦歷南工部膳部以疾歸居家十五年澹泊自如及卒惟圖書數卷士林稱西村先生

戈

諫

郡人弘治甲子舉人歷太僕丞出為湖廣僉事所至以廉幹稱會擒捕巨寇賚予有加歿與祭社之例

吳

璋

字廷獻保山人中弘治己酉鄉試過浙間學於王守仁居三年所養益粹授長壽教諭倡明理學教人以致知力行學者宗之稱執齋先生崇祀名宦

閃

鐘

字大聲郡人少負義氣為諸生時人有鄉試仕至鄆都縣令居家不治產業惟菽水奉親

張

合

字懋觀郡人志淳仲子十六舉鄉試第使以疾歸是年卒性嗜學手不釋卷善書畫權貴造請輒謝卻之居鄉不談公府事時欲

清查彝田人心洶洶乃為書五千言達

吳宗堯

字協鄉騰越人嘉靖癸卯舉人歷馬湖

同知補延平所至有賢聲終養歸嘗從

邵惟中

郡人嘉靖丁未進士歷官閩鄉在朝以

先民遺度
祀鄉賢祠

張含

字愈光保山人少舉於鄉不樂仕進游

梁宋間為李夢陽所知深加稱賞及歸

吳崧

郡人嘉靖庚戌進士授刑部主事轉員

外知福州禦寇有功陞四川副使陳情
終養創義舍置學田
賑饑恤貧鄉人德之

薛繼茂

字懋敬郡人少刻厲有大志登萬曆癸

未進士初令孝感調長樂憂歸補文安

詔為湖廣道御史慷慨言天下事不少隱諱

如論郊廟不親請建國本諸事語皆懇直初

並封之議神宗謀於閣臣時王錫爵以為可

閃繼迪

年七十萬曆乙酉鄉薦仕吏部司務天

和平又上書相國事得寢上綜覈於章奏獨

王會圖

萬曆癸卯舉人知鹽山縣以卓異擢貴

秋興吳越遊草諸集

州道監察御史巡關權以直忤權璫績

王載太平鴻業

石應嵩

字瞻寧郡人萬曆庚戌進士為江陵知縣

持嚴毅遇事剛斷豪猾跡會水泛親督沙市居民障水作堤民免昏墊以堰塞呈吏議調靈寶縣礦徒數千人入其郭應嵩登城拒之賊亦登嵩手刃二人指麾力戰賊大奔撫按以聞陞南武部主事浦口城為南都保障江水浸嚙南城盡圯部檄應嵩董役應嵩議先築堤障江苦無石乃登高相山脉指一區掘之得石作堤七百餘丈叱咤指揮江霧未開即視事至夕不輟初議一面當糜金錢五萬厥後三面俱新之計其工費僅四萬餘工垂成而嵩卒大司馬黃克瓚與民部冬官令詞請贈卹

閃仲儼

繼迪長子仕至少詹禮部右侍郎兼翰林院侍讀學士枚上一次官庶常時作

魏璫籍旨削籍懷宗召召茶修日講官甚沐宸眷兩其棘園一奉桐封不究其用而卒

潘嗣魁

允中之子事大父孀母以孝聞勤學謙厚置義田焚借券文行兼優崇禎行保舉法閃仲儼舉公應詔丙子舉於鄉子世澄同科居第一後知萍鄉縣以廉慈稱

本朝

王國治

郡人萬曆癸卯鄉薦知新繁值奢寅叛以全城功晉刑部郎中內侍獲譴以千

金求宥却之居官清白祀鄉賢以子弘祚貴康熙二年封太子太保戶部尚書

楚雄府

宋

高量成

世居威楚代高泰運為相遣使由廣南求內附後退居威楚風俗化之稱彝中

君

明

何漸達

郡人鑑之子以恩貢任蒼溪知縣縣有蠶桑之利歲獻令若干日樣絲達罷之歲荒捐俸設粥以賑窮民乞歸仗義樂施資助婚喪焚券不取建橋利涉父子世美俱入

鄉賢

宋

鈺

郡人正德癸酉舉人授蘄水學諭科條嚴密衣食貧士懼知岳池縣厚學校崇積貯歲旱徒跣祈禱至於罹疾而不悔官遊垂二十年所入俸貲悉歸於親家無私藏

李啓東

郡人讀書過目成誦下筆累千餘言嘉靖辛卯鄉薦壬辰進士二甲傳臚第一仕終禮部郎中督學余文獻祀於思賢祠

俞汝欽

郡人中嘉靖丙午鄉試質性清粹超然塵外居家不營產業惟以讀書明道自任山居不履城市著山齋集當事慕見言不及私惟直陳地方利弊纂修郡志皆其手筆

詩文尤為清逸

孫學易

楚雄縣人登萬曆壬辰科進士初授寧國府推官斷獄無冤歷陞遵義道副使不畏強禦士逾奢宗明陰懷反情易欲破其謀請於當事不果行至後倡獗騷動三省衆方服其先見校陝西右布政使致仕回籍會友講學置義倉民有不便者悉為直陳之

丁師羲

郡人崇禎選貢任霸州值羽書交集蜀敗入監

姚安府

元

高泰祚

高昇泰之九葉孫元世祖攻吐蕃穿石

禘獨率眾與元將伯顏不花虎兒郭等相持
彌月力不能支退至統矢敵兵不至元師已
逼被俘不屈予以官不受殺之臨刑曰投運
不回天使其然為臣殞首吾事畢矣妻段氏
抱孤瓊申訴世祖指其兒曰
忠臣後也善視養之世其官

明

劉

鈞

姚安所人成化癸卯舉人性至孝純慈
正大未第時其貧元夜甃燈拾金鈿不
以語人明夕至其處候之不至又明夕復候
之果有一婦人來涕泣曰失此物為翁所
追幾死矣鈞持與之婦感泣而去是年即登
鄉薦及典學西蜀分祿以尚士之貧者歸田

四十餘年不輕入市一日遇鄉
飲惡其簡禮即不赴祀鄉賢

王鳴鳳

大姚縣人萬曆貢士幼事母以孝聞知
府王鼎奇其學行為擇配既娶則一醜

女也公欲為更娶鳳曰不娶此女則終身失
所公益奇之因其貧捐俸買田以助後廢貢
謁選赴京從王守仁學又獻籌邊六策兵部
奇其才旋除安福丞首却常規舉鄉約修文
塔興水利立社倉後轉巖督令除前弊政以
解煩苛作千金堤以興水利兩邑俱祀名宦
萬曆四十五年祀鄉賢

陶希臯

字直南姚安所人萬曆癸酉舉於鄉從
學於時江羅近溪及司鐸和含有精意

錄陞石阡推官發伏摘奸守永寧平賦役擒
巨寇以剛直忤上官遷王府官歸里奉親課
子疎族伯叔其無後者為任喪塋鄉里有不
平者解其訟爭修學宮捐資倡首經營拮据

不遺餘力平奎釁起軍與民交託希臯抗論不阿幾為奸宄所中及事定而後德之祀鄉賢

陶

珽 姚安所人萬曆庚戌進士孝友端方歷官有聲以詩字名海內建擴城議編郡乘移泮宮周梓里賑族黨講學論文四方來從者衆崇祀鄉賢

鶴慶府

明

趙

和 字達道郡人正統間以明經任貴州銅內艱服闋補四川建始訓導銅仁諸生上疏乞之許還舊任又外艱服滿當別補銅士又請之復報可凡三任銅仁嚴矩範飭條約首以孝弟立教監士皆稱曰趙先生致仕歸生

徒泣送祀名宦後學道胡堯時榜其行於明倫堂

陸

經 郡人成化丙午舉人弘治壬戌進士累官南兵部郎中賦性耿介常卻尹藩金帛又卻土官饒金貧約終身卒之日棺殮不具祀鄉賢

趙子禧

字慶夫郡人和之子天性孝友多才藝年十九薦成化丁酉鄉魁司訓臨安克端模範時有香趙之稱秩滿試吏部第一人超遷南陽府同知政績著異卒於官入臨安南陽兩地祠祀所著有碧菴蛙鳴二集

張

勉 字希安劍川人弘治戊午舉人任黔江知縣饒臆畧縣有巨寇數年不能平勉至纔彌月計擒渠魁時督責控連甚急民且逃散勉止之曰吾能為汝達之途力請於上果得減徵民乃安集明年卒於官將屬績其妻問何以歸勉曰寄墓重慶不然化骨或甕

子士民哀之立祠以祀鄉子弟受其教者稱為龍溪先生

朱

珮

字鳴朝鶴農樂人正德辛巳進士初任大理寺評事多平反寃獄出為貴州僉

事調停驛傳民用以安計縛元惡不費兵餉歷湖廣副使剔豪右增隄防三年陞廣東泰政值盜起設謀禦之絕其汲道皆歸降又以計畧平定交南莫登庸等逆陞陝西按察使乞休居鄉恂恂若未嘗有官者

楊

鎰

劍川人嘉靖癸卯舉人丁未進士聰穎剛方不隨流俗理學為士人宗任工部

郎中以修孝陵勞瘁卒於崇禎辛未請祀鄉賢

查

倬

郡人隆慶丁卯舉人歷官戶部郎出為真定知府再補保寧知府所至以廉靜

稱及居鄉謙和接物人咸服其雅量辛酉祀鄉賢

吳堯弼

字宗舜郡人萬曆丙子舉人丁丑進士選庶常益醇謹同官稱莫及父紳貢於

京因留養焉溫清之外無私謁散館改兵部郎主武選抑強植弱出為僉憲督學貴州嚴冒籍禁時疽指某庇其鄉人弼不可遂中傷之廷議知弼寃寢不行爭內艱服滿補四川僉憲備兵安綿安綿蕃彝門戶也弼撫馭有要蕃人誓不復及民賴以安後卒於官綿人祀入名宦弼敬釐二十載家無厚產丁卯祀鄉賢

楊

提

字漸高郡人萬曆戊子舉人任泌陽諭吏部陳民志甚器重之外艱服滿補鳳

陽諭遷樞東令桂東苦瘴人死不知醫提置藥局所活無算邑賦歲飽奸胥提覈其久占者三人置之法邑適迺帖然輸焉邑故無科日子矜橫豪提教之始恂恂知向學後移西安郡丞一攝渭篆再攝邠多惠政秦人德之以勞卒於官提生平讀書以體認為功其學

有體用相國李標
為之傳祀鄉賢

閔宗聖

字心遇郡人溫醇孝友萬曆壬午鄉薦
常置義田以贍族分廩讓田於其友時

論高其誼署成陽學盡心教士周恤孤寒選
榮昌令多惠政大工掄材采運如數民不稱
擾邑有大憝人莫敢擾聖宣之法榮人稱快
會征楊應龍竭力王事卒聖家本裕反以官
貧崇祀榮昌名
宦入郡鄉賢

趙捷

字習南郡人清貧力學領萬曆壬午鄉
薦任宜良諭文藝器識為多士楷模

徵北雍助教善教不倦出知瑞州府同攝高
安篆多惠政時有大牒株連數十人羅織成
獄捷坐殺人者餘杖釋之上官不可捷力爭
曰殺人以媚人捷死不能上官郵之捷既耿
介不屑趨承復淡於仕進會遷長史遂致仕
歸林卧二十載杜門掃軌課兒孫外無他營

也乙亥
祀鄉賢

梁州彥

郡人萬曆癸丑進士尹江夏念親老欲
得屬令便歸省乃拜新繁當路謂才浮

於地爭調華陽華陽夙號嚴劇彥勵精為之
百務具興百弊盡革每大牒片言而折其明
敏如此在任五年一塵不染入覲以治行卓
異留部考選彥復念二親乞假歸未竟厥施
而卒祀
鄉賢

楊方盛

字大豫萬曆丙辰會魁初授湖廣大冶
令邑多巨猾犷悍難治不數月刑清訟

理考選山西道御史巡按河南剔蠹錮奸歷
見丰采巡視長蘆鹽政巨商斂手補京畿道
適遇黔中奢安之叛條陳安邊調援剿賊開
路諸疏廷議偉之隨遷太僕寺少卿提督西
路馬政多蕃息無虛耗遷右通政歷應天府
尹以倬大持體多有政聲崇禎壬午擢南戶

部右侍郎兼都御史總督糧儲值國事艱難各省南糧飛輓不繼羽檄紛馳多方措置癸未告歸濟貧乏敦族閭優

楊應宿

字斗瞻郡人萬曆壬戌進士歷員外郎中竇運通州轉輸如法陋規宿弊釐剔殆盡出守成都百務自裁苞苴概罷深獲士民心以內艱柴毀舟立匍匐間關歸卒祀

陳奇猷

字大甫劍川人萬曆壬戌進士性長厚為諸生時拾遺金歸其主先授中書繼拜御史疏陳道事極屬肯綮視節慎庫以清慎聞以貪穢彈主政後為所擠落職歸卒於途祀鄉賢

順寧府

明

猛蓋

郡人襲土知府恩威並濟土人懷之

猛鄉

字堯佐郡人通書史嗣土官嘉靖丁亥以武爭功賜銀幣

蒙化府

明

丁景

字德輝成化戊戌進士由武選郎歷貴州石阡知府先是苗叛府治學宮壇廟郵傳倉廩盡成灰燼景以次修復設鐘鼓警昏夜賑窮恤士收招流移卒於官有烈風星殞之異櫬歸囊無餘貲

劉揮

字本忠郡人歲貢任雅州司訓恂雅飭學問淵弘迷渡而舊不知學揮開館

本朝

教讀變其風俗凡冠婚喪祭之禮皆所講明維持風化禪之力也

張芳譽

郡人順治十六年貢誠信仁慈端淑樂善凡貧乏婚喪皆默有助卽囹圄乞丐親給錢米力行不倦年過七十猶手錄格言傳播遠邇雖嚴冬酷暑課誦不遑康熙九年通學公舉德行督學壽以仁旌曰德隆望重壽八十卒

永寧府

明

各吉八合

父卜都各吉仕元為永寧州知州洪武間八合爭兵歸順至永樂四年諭西番入覲改陞永寧府知府世其官

麗江府

元

麥良

宗子附世祖為茶罕章管民官從剋大理擒段興智功列凡良合台之右以副元帥佩虎符鎮慶夢又破鐵橋城華馬國加授銀印為提調諸路長官司

